

gwrs gopi o'r gyfrol wedi ei
lofnodi gan yr awdur ei hun.
Roedd y plant wrth eu bodd yn
gwrando ar Sian Teifi'n adrodd
y stori gyffrous newydd hon.
Llongyfarchion i'r awdur.

Daeth Mr Hywel Harries atom
i Adran yr Urdd a threuliodd y
plant orig hapus iawn yn ei
gwmni. Hawdd oedd deall bod Mr
Harries yntau wrth ei fodd gyda'r
plant. Trwy gyfrwng sialc a
phapur daeth a nifer o gymer-
iadau diddorol o fyd ffilmiau a
llyfrau yn fyw o'n blaen.

Ymwelodd Mr R. H. Evans y
Borth a ni un prynhawn. Clywsom
ganddo am y gwahangleifion ac am
yr ymdrech a wneir i leddfu eu
poen a'u gwewyr. Dangosodd i
ni stribedau lliw'n ymwneud a'r
gwaith a gyflawnir gan feddygon
a nyrsus mewn gwahanol rannau
o'r byd.

Cafodd y plant fwynhad mawr
un bore pan ddaeth Mrs Lynwen
Thomas y deintydd atom i sgwrsio
ac i bwysleisio'r pwysigrwydd o
gofalu ar ol y dannedd. Roedd hi
wedi gofalu dod ag offer gwaith
deintydd ganddi a chafodd y plant
hwyl yn iawn wrth drin a thrafod
y gwahanol offer.

Mae'r plant erbyn hyn yn
edrych ymlaen i wythnos olaf y
tymor gyda'i brysyrdeb arferol.
Dymunwn Nadolig llawn dedwyddwch
i bawb.